

Thô ê Khìkū Lāi ê Pópòe

4 Kijian SiōngChú liānbín goán, kā chitê chitbū kauthok goán, goán tóh bô lóechì. ² Goán khìsak itchhè pìblit ê kiānsiàu tāi, bô khiphiàn lāng, mā bô khiokkái SiōngChú ê tōlí, chíu tī SiōngChú bīnchēng hiánbēng chinlí, lâi khéhoat ták lāng ê liōngsim. ³ Goán só thoân ê hokim nā ū jiakhàm bô chhengchhó, mā kantaⁿ tùi hiahê teh beh tūmlūn ê lāng chiah ē jiakhàm bô chhengchhó. ⁴ Chit sèkan ê sīnbēng hō hiahê m̄ sìn SiōngChú ê lāng ê simtì chheⁿmê, tìsú khòanⁿ bē tiòh hokim chí kng; chitê hokim sī teh chionghián Kitok ê êngkng, Kitok tóh sī SiōngChú ê hēngsiōng. ⁵ Goán m̄ sī teh thoāniōng kakī, sī teh thoāniōng "Kitok lésu sī Chú!"; ūi tiòh lésu ê iānkò, goán kakī mā chiāⁿchò lín ê pòkjīn. ⁶ Hitê bēnglēng "kng tiòh tùi oām chiò chhut lâi" ê SiōngChú, I íkeng ēng kng chiò tī lán ê simlāi, hō lán chai SiōngChú ê êngkng íkeng hiānsī tī lésu Kitok ê bīn chiūⁿ.

Jiòkthé kah Éngoán ê Êngiāu

⁷ M̄ koh, goán chiahê ū chit chióng siók lēng pópòe ê lāng, goán púnsin chí putkò sī chhinchhiūⁿ thō chō ê khìkū, sī beh piáubēng chitê kéktōa ê koānlēng sī tùi SiōngChú lâi ê, m̄ sī siók tī goán. ⁸ Goán sīsiōng sikhè tú tiòh hoānlān, m̄ koh, goán bô khuthók; ū sī goán ē giāugú khùnhék, khiok bô choátbāng; ⁹ goán tú tiòh pekhāi, khiok bô hō SiōngChú pàngsak; goán siū pah tò, khiok bô biàtbōng. ¹⁰ Goán ē sí ê sengkhu sīsiōng tōa tiòh lésu ê sí, thang hō lésu ê sèⁿmiā mā ē tī goán ê sengkhu hiánbēng. ¹¹ Goán oah tī sèkan, ūi tiòh lésu ê iānkò, tiāⁿtiāⁿ tú tiòh sí bōng ê gūhiám, thang hō lésu ê sèⁿmiā ē tàng tī goán ē sí ê sengkhu hiánbēng chhutlâi. ¹² Inūi áne, sībōng tī goán sinchiūⁿ chòkang, lín khiok tit tiòh sèⁿmiā.

¹³ Kengtián ū kichài: **Góa ū sìn, sói góa chiah**

土 ê 器具內 ê 寶貝

4 既然上主憐憫阮，kā chitê 職務交託阮，阮 tóh 無餒志。 ² 阮棄 sak 一切秘密 ê 見笑 tāi，無欺騙人，mā 無曲解上主 ê 道理，只有 tī 上主面前顯明真理，來啟發 ták 人 ê 良心。 ³ 阮所傳 ê 福音若有遮蓋無清楚，mā kantaⁿ 對 hiahê teh beh 沉淪 ê 人 chiah ē 遮蓋無清楚。 ⁴ Chit 世間 ê 神明 hō hiahê m̄ 信上主 ê 人 ê 心智 chheⁿmê，致使看 bē tiòh 福音之光；chitê 福音是 teh 彰顯基督 ê 榮光，基督 tóh 是上主 ê 形像。 ⁵ 阮 m̄ 是 teh 傳揚 kakī，是 teh 傳揚「基督耶穌是主」；為 tiòh 耶穌 ê 緣故，阮 kakī mā 成做 lín ê 僕人。 ⁶ Hitê 命令「光 tiòh tùi 烏暗照出來」ê 上主，祂已經用光照 tī 咱 ê 心內，hō 咱知上主 ê 榮光已經顯示 tī 耶穌基督 ê 面 chiūⁿ。

肉體 kah 永遠 ê 榮耀

⁷ M̄ koh，阮 chiahê 有 chit 種屬靈寶貝 ê 人，阮本身只不過是親像土造 ê 器具，是 beh 表明 chitê 極大 ê 權能是 tùi 上主來 ê，m̄ 是屬 tī 阮。 ⁸ 阮時常四 kè tú tiòh 患難，m̄ koh，阮無屈服；有時阮 ē 僥疑困惑，卻無絕望； ⁹ 阮 tú tiòh 迫害，卻無 hō 上主放 sak；阮受 pah 倒，卻無滅亡。 ¹⁰ 阮 ē 死 ê 身軀時常帶 tiòh 耶穌 ê 死，thang hō 耶穌 ê 性命 mā ē tī 阮 ê 身軀顯明。 ¹¹ 阮活 tī 世間，為 tiòh 耶穌 ê 緣故，tiāⁿtiāⁿ tú tiòh 死亡 ê 危險，thang hō 耶穌 ê 性命 ē tàng tī 阮 ē 死 ê 身軀顯明出來。 ¹² 因為 áne，死亡 tī 阮身上做工，lín 卻得 tiòh 性命。

¹³ 經典有記載：我有信，所以我 chiah 講。 ¹

kóng.¹ Kijian goán ū kângkhoán ê sìngióng simlêng, sói, goán mā sìn, koh áne kóng chhut lâi. ¹⁴ Goán chai, hō Chú lésu kohoàh ê SiōngChú mā ē hō goán kah lésu tângchê kohoàh, koh ē ínhōa goán kah lín chòhóe khi l ê bīnchêng. ¹⁵ Che itchhè lóng sī ūi tiòh lín ê iánkò, sī beh hō koh khah chē lâng tit tiòh SiōngChú ê intián, thang hiàn koh khah chē kámsiā lâi êngkng SiōngChú.

Sìngióng ê Sengoáh

¹⁶ Sói, goán bô lóechì. Suijian goán ê jiòkthé chiāmchiām soejiók, m̄ koh, goán ê lōsim khiok jítjít ōaⁿ sin. ¹⁷ Goán só chosiū ê chiāmsī ê kankhó, sī beh hō goán tit tiòh búpí koh éngoán ê tōa êngkng. ¹⁸ Goán só tiōngsī ê m̄ sī khòⁿ ē tiòh ê, khiok sī khòⁿ bē tiòh ê; inūi khòⁿ ē tiòh ê sī chiāmsī ê, khòⁿ bē tiòh ê khiok sī éngoán ê.

既然阮有全款 ê 信仰心靈，所以，阮 mā 信，koh áne 講出來。 ¹⁴ 阮知，hō 主耶穌 koh 活 ê 上主 mā ē hō 阮 kah 耶穌同齊 koh 活，koh ē 引 chhōa 阮 kah lín 做伙去袂 ê 面前。 ¹⁵ 這一切 lóng 是為 tiòh lín ê 緣故，是 beh hō koh khah chē 人得 tiòh 上主 ê 恩典，thang 獻 koh khah chē 感謝來榮光上主。

信仰 ê 生活

¹⁶ 所以，阮無餒志。雖然阮 ê 肉體漸漸衰弱，m̄ koh，阮 ê 內心卻日日換新。 ¹⁷ 阮所遭受 ê 暫時 ê 艱苦，是 beh hō 阮得 tiòh 無比 koh 永遠 ê 大榮光。 ¹⁸ 阮所重視 ê m̄ 是看 ē tiòh ê，卻是看 bē tiòh ê；因為看 ē tiòh ê 是暫時 ê，看 bē tiòh ê 卻是永遠 ê。

¹ SPh 116:10 (115:1 LXX)

¹ 詩 116:10 (115:1 LXX)